



Georgius ex illustri familia comitum Tubingenium prognatus est, qui olim Palatini Tübingerenses dicti Tübingam oppidum inhabitarūt, atq; id tandem Vuirtenbergēsibus comitibus cœtis conditionibus tradiderūt, contenti Tübingenium comitum titulo, atq; ea ditiōe, quam per matrimonium à Clara comitissa Friburgensi in Bris gaudia sibi compararūt. Ab ijs inquam comitibus Georgius prognatus, à teneris annis uirtutibus operam dedit, atq; in aula Friderici Cæsar is educatus fuit. Postea quoq; apud Maximilianum regem permanſit, atq; eius castra in Belgis sequens Cæſari gratissimus extitit. Cum autem is in sua familia ultimus esset, atq; diutius in aula permaneret, ita ut matrimonium haud appetere crederetur, Maximilianus Cæſar, ne familia illa antiqua interiret, ei persuasit, ut uxorem duceret, atq; ex illustri familia comitum ab Archuenustissimam puellam cōiugem dedit. Ea ducta Georgius ad paternam ditionem gubernandam se cōtulit, atq; in arce Liechtenbeck pulcherrima habitare cœpit. In eo loco multis uirtutibus claruit, atque sibi magnam autoritatem compauruit. Cum hoc modo ad senectam peruenisset, anno 1507 obiit, atque Conradum filium reliquit, qui etiamnum ijs in locis rerum portitur. Anon.